

Un rat'i  
ora cu

# Tanta Dora



Conbai muchanan, Con ta na scol? Corda haci boso best pa december bin cu rapport bunita pa boso mayornan. Nos a cla di pasa luna di oktober y tempo di aña ta cuminsa for di luna di juli, e luna ey en adelante nos ta spera awa, p'esey ta haci cunucu limpi y kima tur sushi dia di san Juan. Ora e cunucu ta limpi ta traha dam pa warda e awa. Dam ta wordo trahá di piedra y ta comparti e cunucu den pida-pida, cada pida tin su propio destino. E tera cu tin santo ta destiná pa planta pinda pasobra ora e pinda saca "zapato" (esey ta pinda chikito) e tin cu dreña facil den tera. Ora e zapatonan bira pindata hisa e halanan, esta e rama, pa piki e pinda berde pa herb'é y bobe dera nan pa e sigui pone pinda, asina bo ta haya hopi pinda.

Ora e no ta saca flor mas pa pone pinda ta ranca e mata cu su raiz y ta pon'é na monton cu su raiz na laira pa seca, pero den e santo unda e mata tabata ta keda pinda, y esey tabata trabao di e muchanan pa pikitur e pindanan.

Tin hopi boonchi tambe, p.e. boonchi largo, boonchi cashupete (pasobra e tin un forma mescos cu un cashupete), tin boonchi Janchi Kock (mi no sa pakiko nan ta jam'é asina), boonchi bonofis, esey ta rama subi palo y trankera.

Awor nos ta bai na e departamento di maishi. Ora e maishi saca barba, esey ta hopi cabey, na e tapushi, e tapushi ta lorá aden, nos ta bis ata bai kibra maishi. Nos ta bisa asina como cu e ta krak facil. E tin hopi foyo rond di dje cu nos ta jama saya, wel nos ta kita poco foyo y laga e

maishi cu dos of tres saya herbe. Ta pone tura prome cu awa cu salo pa e coi bon smaak. Tura kiermen lag'é drumi den e awa cu salo. Ora di pone herbe ta tap'é cu foyo di pampuna. Awor nos ta herb'é den wea, pero antes ta den bleki, riba cuatro piedra cu palo of carbon bao di e bleki, e ta herbe masha liher mes.


Ta invita tur bisiña bin come maishi grandi herbí. Loke resta ta laga seca, djey pa kita nan y duna galiña, porco of carne pa come. Tambe ta warda poco simiya pa planta pa otro aña. E pipitanan ta wordo wardá den un dabishan, esey ta un botter grandi di glas, y ta pone poco peper pica aden pa e no coi guruguru.

Guruguru ta un bestia chikito cu ta come e maishi y tambe boonchi, pero ora e boonchi y maishi ta seco.

Ora un mucha ta chikito di tamañoy no ta crece nos ta bisa cu e ta mescos cu guruguru.

Muchanan mi ta bai despedi di boso. Hopi cariño y bendicion, te otro luna cu poder di Dios...

*Tanta Dora*







# Chabalito

Number 2 - Año VI - Afl. 2,=



BIBLIOTECA NACIONAL ARUBA



3 0993 00185 657 4